

Izveštaju o radu Uprave policije MUP-a Kantona Sarajevo za period januar - juni 2019. godine

KRIMINALITET

Kriminalitet na području Kantona Sarajevo u periodu januar – juni 2019. godine u odnosu na isti period prethodne godine, posmatrano kroz osnovne statističke pokazatelje, karakteriše smanjenje broja registrovanih krivičnih djela za 15%, prijavljenih lica za 20,8%, povratnika u činjenju krivičnih djela za 7%, maloljetnih izvršilaca za 46,2% i lica lišenih slobode za 5,7%.

STATISTIČKI PRIKAZ KRIMINALITETA

U periodu januar – juni 2019. godine, registrovana su 1.874 krivična djela, što je za 332 djela ili 15% manje nego u periodu januar – juni 2018. godine.

U 895 slučaja (47,7% od ukupnog broja krivičnih djela), krivična djela su izvršena od strane poznatih izvršilaca i izvršilaca zatečenih u činjenju krivičnog djela, a 979 krivičnih djela (ili 52,3%), prijavljeno je po nepoznatom izvršiocu, od kojih je 379 naknadno rasvijetljeno (ili 38,7% od ukupnog broja prijavljenih djela po nepoznatom izvršiocu).

Tokom izvještajnog perioda ukupno su rasvijetljena 1.274 krivična djela ili 68% što je za 2,8% više u odnosu na uporedni period.

Za izvršenje navedenih djela prijavljeno je 1.167 lica, od kojih je 718 povratnika u činjenju krivičnih djela (ili 61,5% prijavljenih), 28 maloljetnika (ili 2,4%), a 560 lica je lišeno slobode (ili 48%).

U odnosu na uporedni period smanjen je broj prijavljenih lica za 306 (ili 20,8%), povratnika za 54 (ili 7%), maloljetnika za 24 (ili 46,2%) i lica lišenih slobode za 34 (ili 5,7%).

OSNOVNI STATISTIČKI POKAZATELJI KRIMINALITETA U PERIODU JANUAR - JUNI 2019/18. GODINE

| PERIOD | Broj krivičnih djela | | | Broj djela za koja su naknadno identifikovani osumnjičeni izvršioци | | Broj prijavljenih lica | | | Lišenih slobode | |
|-----------------------------------|----------------------|-----------------------|-----------------|---|----------------------------|------------------------|--------------|------------|-----------------|-------|
| | Ukupno | od toga | | Ukupno | od toga iz ranijeg perioda | Ukupno | od toga | | | |
| | | po poznatom izvršiocu | po NN izvršiocu | | | | maloljetnici | povratnici | | |
| JANUAR - JUNI 2019. GODINE | 1.874 | 895 | 979 | 379 | 182 | 1.167 | 28 | 718 | 560 | |
| JANUAR - JUNI 2018. GODINE | 2.206 | 1.047 | 1.159 | 392 | 184 | 1.473 | 52 | 772 | 594 | |
| uporedba | +- | -332 | -152 | -180 | -13 | -2 | -306 | -24 | -54 | -34 |
| | % | -15% | -14,5% | -15,5% | -3,3% | -1,1% | -20,8% | -46,2% | -7% | -5,7% |

**UPOREDNI POKAZATELJI STANJA KRIMINALITETA NA PODRUČJU KANTONA SARAJEVO
U PERIODU JANUAR – JUNI 2019/18. GODINE PREMA GLAVAMA KRIVIČNOG ZAKONA FBiH-a i KZ BiH-a**

| KRIVIČNA DJELA | januar - juni 2019. | januar - juni 2018. | uporedba | | rasvjetljenost januar - juni 2019. | |
|---|---------------------------|---------------------------|----------|--------|---------------------------------------|---------------------|
| | | | +/- | % | broj kd | % |
| Protiv života i tijela | 86 | 75 | 11 | 14,7% | 79 | 91,9% |
| Protiv slobode i prava čovjeka i građanina | 74 | 122 | -48 | -39,3% | 72 | 97,3% |
| Protiv spolne slobode i morala | 8 | 10 | -2 | -20% | 8 | 100% |
| Protiv braka, porodice i mladeži | 128 | 121 | 7 | 5,8% | 128 | 100% |
| Protiv zdravlja ljudi | 254 | 334 | -80 | -24% | 254 | 100% |
| Protiv privrede, poslovanja i sigurnosti platnog prometa | 5 | 3 | 2 | 66,7% | 5 | 100% |
| Protiv imovine | 1.111 | 1.316 | -205 | -15,6% | 537 | 48,3% |
| Protiv okoliša, poljoprivrede i prirodnih dobara | 2 | 3 | -1 | -33,3% | 2 | 100% |
| Protiv opće sigurnosti ljudi i imovine | 51 | 36 | 15 | 41,7% | 36 | 70,6% |
| Protiv sigurnosti javnog prometa | 39 | 58 | -19 | -32,8% | 38 | 97,4% |
| Protiv pravosuđa | 7 | 26 | -19 | -73,1% | 9 | 128,6% ¹ |
| Protiv javnog reda i pravnog prometa | 65 | 76 | -11 | -14,5% | 62 | 95,4% |
| Protiv podmićivanja i krivična djela protiv službene i druge odgovorne funkcije | 11 | 8 | 3 | 37,5% | 11 | 100% |
| Protiv sistema elektronske obrade podataka | 2 | 0 | 2 | --- | 2 | 100% |
| Protiv privrede i jedinstva tržišta te krivična djela iz oblasti carina (KZBiH) | 4 | 1 | 3 | 300% | 4 | 100% |
| Zakon o nabavljanju, držanju i nošenju oružja i municije (Sl.novine Kantona Sarajevo br. 01/18) | 27 | 17 | 10 | 58,8% | 27 | 100% |
| | 1.874 | 2.206 | -332 | -15% | 1.274 | 68% |

PREGLED KRIVIČNIH DJELA PO OBLASTIMA

KRIVIČNA DJELA PROTIV ŽIVOTA I TIJELA

U periodu januar – juni 2019. godine prijavljeno je 86 krivičnih djela protiv života i tijela (11 više u odnosu na januar - juni 2018.godine).

Evidentirana su slijedeća krivična djela: ubistvo - pet djela (četiri više), ubistvo u pokušaju – jedno djelo (četiri manje), teška tjelesna ozljeda – 26 (četiri više), lahka tjelesna ozljeda – 53 (osam više) i učestvovanje u tući - jedno djelo. Ukupno je rasvijetljeno 79 ovih djela ili 91,9% što je 5,4% manje. Zbog postojanja osnova sumnje da su počinili djela iz ove oblasti podneseni su službeni izvještaji protiv 93 lica (22 više), od čega je 49 povratnika (17 više) u činjenju krivičnih djela ili 52,7%, a 33 lica su lišena slobode (15 više).

Ubistvo u pokušaju (član 166. KZFBiH-a u vezi člana 28. istog Zakona) - jedno djelo

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirana su 74 djela (48 manje) i to: - ugrožavanje sigurnosti – 69, otmica - dva, protupravno lišenje slobode, narušavanje nepovredivosti doma i protupravno lišenje slobode u podstrekavanju - po jedno djelo, a zbog izvršenja navedenih djela prijavljena su 64 lica od kojih je 37 povratnika u činjenju krivičnih djela (ili 57,8%), a 20 je lišeno slobode.

Sva djela ugrožavanja sigurnosti počinjena su upućivanjem verbalnih prijetnji, pisanih - prijetećih poruka i sl. bez težih posljedica po oštećene.

**UPOREDNI POKAZATELJI BROJA REGISTROVANIH KRIVIČNIH DJELA UGROŽAVANJE SIGURNOSTI IZ ČLANA 183.
KZ FBIH-a PO MJESECIMA U PERIODU JANUAR – JUNI 2019/18 . GODINE**

| ugrožavanje sigurnosti (član 183. KZ FBIH-a) | januar | februar | mart | april | maj | juni | januar – juni 2019/18. godine |
|---|-----------|------------|-------------|------------|------------|------------|----------------------------------|
| januar – juni 2019. godina | 10 | 5 | 16 | 13 | 12 | 13 | 69 |
| januar – juni 2018. godina | 16 | 15 | 16 | 25 | 23 | 23 | 118 |
| <i>uporedba (+,-)</i> | <i>-6</i> | <i>-10</i> | <i>isto</i> | <i>-12</i> | <i>-11</i> | <i>-10</i> | <i>-49</i> |

KRIVIČNA DJELA PROTIV BRAKA, PORODICE I MLADEŽI

U ovoj oblasti registrovano je 128 djela (sedam više) i to: nasilje u porodici - 125 djela (devet više), oduzimanje djeteta ili maloljetnika, zapuštanje ili zlostavljanje djeteta ili maloljetnika i izbjegavanje izdržavnja - po jedno djelo. Službeni izvještaji podneseni su protiv 130 lica od kojih je 58 povratnika ili 44,6%, a 84 su lišena slobode.

KRIVIČNA DJELA PROTIV ZDRAVLJA LJUDI

U oblasti krivičnih djela protiv zdravlja ljudi, podneseni su službeni izvještaji protiv 254 lica (83 manje), od kojih je 171 povratnik (ili 67,3%), a zbog postojanja osnova sumnje da su počinili 254 krivična djela (80 manje) i to:

- neovlašćena proizvodnja i stavljanje u promet opojnih droga – 19 djela (tri više),
- neovlašćena proizvodnja i stavljanje u promet opojnih droga u saučiniteljstvu - dva i
- posjedovanje i omogućavanje uživanja opojnih droga – 233 djela (85 manje).

Policijski službenici Uprave policije su Kantonalnom tužilaštvu Sarajevo podnijeli službene izvještaje protiv ukupno 19 lica zbog postojanja osnova sumnje da su u proteklom periodu neovlašćeno proizvodili, zatim kupovali opojnu drogu ("Marihuanu", "Amfetamin", itd.) od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), te protiv 235 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Amfetamin", "Heroin", "Ecstasy", itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

Zbog zloupotrebe opojnih droga 162 lica su lišena slobode (55 manje).

PREGLED ODUZETE OPOJNE DROGE

| VRSTA OPOJNE DROGE | JANUAR - JUNI 2019. GODINE | JANUAR - JUNI 2018. GODINE |
|-----------------------------------|-------------------------------|-------------------------------|
| Marihuana (u kilogramima) | 132,55 | 4,39 |
| Marihuana (paketići) | 96 | 66 |
| Marihuana (JOINT - cigarete) | 9 | 20 |
| Heroin (paketići) | 31 | 10 |
| Amfetamin (paketići) | 91 | 85 |
| Amfetamin (u gramima) | 1.802 | 354 |
| Kokain (paketići) | --- | 1 |
| Ecstasy (tablete) | 96 | 73,5 |
| Cannabis – sjeme (kom.) | --- | 100 |
| Canabis - biljka (kom.) | --- | 1 |
| pribor sa ostacima droge (komada) | 22 | 36 |

KRIVIČNA DJELA PROTIV PRIVREDE, POSLOVANJA I SIGURNOSTI PLATNOG PROMETA

Iz oblasti krivičnih djela protiv „privrede“ registrovano je pet krivičnih djela (dva više) i to: obmana pri dobijanju kredita ili drugih pogodnosti - dva djela, zloupotreba ovlasti u privrednom poslovanju u pokušaju, prijevarena u privrednom poslovanju i krivotvorenje ili uništenje poslovnih ili trgovačkih knjiga ili isparava - po jedno djelo za čije su izvršenje prijavljena četiri lica.

Takođe, od strane službenika Odjeljena za privredni kriminal tokom prvih šest mjeseci 2019. godine, zadokumentovana su i krivična djela koja su u vezi sa „privrednim kriminalom“, a svrstana su u druge Glave KZFBiH-a i KZ BiH-a i to:

zloupotreba položaja ili ovlašćenja - osam djela, krivotvorenje novca - četiri djela, krivotvorenje isprave - tri, ovjeravanje neistinitog sadržaja, primanje dara ili drugih oblika koristi, oštećenje računalnih programa i podataka i računalno krivotvorenje - po jedno djelo.

KRIVIČNA DJELA PROTIV IMOVINE

U oblasti krivičnih djela protiv imovine registrovano je 1.111 krivičnih djela što je za 205 djela ili 15,6% manje u odnosu na uporedni period.

Najbrojnija djela iz ove oblasti su: teške krađe – 574 (122 manje), krađe – 165 (42 manje), razbojništvo² – 225 (jedno više), oštećenje tuđe stvari – 57 (18 manje), utaja – 20 (pet više), prijevarena – 17 (21 manje), teška krađa u pokušaju – 17 (deset manje), paljevina - deset (pet više), prikrivanje – sedam (jedno više), itd.

Zbog izvršenja navedenih djela prijavljenao je 385 lica od kojih je 281 povratnik u činjenju krivičnih djela (ili 73%), a 175 je lišeno slobode.

Za ukupno 537 ovih djela ili 48,3% identifikovani su osumnjičeni izvršioc, što je u odnosu na isti period prethodne godine, povećanje za 4,5%.

Objekti napada pri vršenju krivičnih djela protiv imovine najčešće su bili stambeni objekti – 255 puta (43 manje), motorna vozila (otuđenja pmv i “provale” u ista) - 162 (65 manje), poslovni prostori i prodavnice – 102 (deset više), itd., pri čemu su otuđivana motorna vozila, novac, nakit, tehnička roba, cigarete, prehrambeni proizvodi, građevinski materijal, itd.

U prvih šest mjeseci ove godine na području Kantona Sarajevo izvršen a je 101-no krivično djelo teških krađa motornih vozila, od čega je 46 ili 45,5% vraćeno (od strane policije MUP Kantona Sarajevo vraćeno je 26 vozila, MUP RS-a – jedno, drugih MUP-ova – pet i 14 vozila vlasnici su pronašli).

U odnosu na uporedni period broj otuđenih vozila znatno je smanjen i to za 49 ili 32,7%.

Zbog postojanja osnova sumnje da su učestvovali u izvršenju otuđenja motornih vozila na području Kantona Sarajevo, nadležnom tužilaštvu podneseni su službeni izvještaji protiv 20 lica (12 više) i svi su povratnici u činjenju krivičnih djela.

Na području Kantona Sarajevo u prvom polugodištu ove godine registrovano je 225 djela razbojništva (jedno više).

Razbojništva su počinjena u prodavnicama i drugim poslovnim prostorima - 79 puta (24 manje), u sportskim kladionicama – 43 (deset više), na benzinskim pumpama - 39 (31 više), na ulici – 31 (24 manje), u apotekama - 20 (isto), itd.

Navedena djela izvršena su prijetnjom upotrebe vatrenog oružja – 112 puta (16 više), prijetnjom i upotrebom noža ili drugog oštrog predmeta (komad stakla, šrafciğer i sl.) – 70 (deset manje) i upotrebom fizičke snage – 43 puta (pet manje). Otuđivan je novac, mobiteli, zlatni nakit, motorna vozila, itd.

Ukupno je rasvijetljeno 100 ovih djela ili 44,4% što je za 4,2% veća rasvijetljenost ovih djela u odnosu na isti period 2018. godine.

Broj teških krađa na naročito opasan ili naročito drzak način u periodu januar-juni 2019. godine u odnosu na uporedni period smanjen je za 14 ili 26,4%. Naime, evidentirano je 39 ovih djela u kojima su izvršiooci, upotrebom fizičke snage – 30 puta, te verbalnom prijetnjom u devet slučajeva, otimali mobitele, nakit i novac.

Za izvršenje "drskih krađa", prijavljeno je 15 lica od kojih je 11 povratnika (ili 73,3%) a 13 je lišeno slobode. Ukupno je rasvijetljeno 20 ovih djela ili 51,3% što je za 24,9% više.

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je 51-no djelo (15 više) i to: izazivanje opće opasnosti – 41-no djelo, nesavjesno čuvanje pasa i drugih opasnih životinja - osam, teška krivična djela protiv opće sigurnosti ljudi i imovine i izazivanje opće opasnosti u podstrekavanju - po jedno djelo.

Zbog postojanja osnova sumnje da su počinili ova djela nadležnom tužilaštvu podneseni su službeni izvještaji protiv 41 lica, od čega su 24 povratnika (ili 58,3%), a 16 je lišeno slobode.

Krivična djela izazivanja opće opasnosti izvršena su 37 puta na otvorenom prostoru, tri puta u stambenim objektima i jedno u ugostiteljskom objektu pri čemu je u jednom slučaju namjernim otvaranjem ventila za plin i curenjem plina izazvana opasnost po živote ljudi i imovinu, u 13 slučajeva je upotrijebljeno vatreno oružje, 26 puta je otvorenim plamenom izazvan požar i u jednom slučaju priječeno je aktiviranjem ručne bombe. Posljedica izvršenja navedenih djela je ranjavanje četiri lica, uznemirenost građana i nastala materijalna šteta.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 65 krivičnih djela (11 manje) i to: nasilničko ponašanje - 27 djela (15 manje), krivotvorenje isprave – 11 (pet više), nedozvoljeno držanje oružja ili eksplozivnih materija – 10 (tri manje), napad na službenu osobu u vršenju poslova sigurnosti – osam (dva manje), sprječavanje službene osobe u vršenju službene radnje - četiri (jedno više), itd.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 65 lica, od kojih je 36 povratnika ili 55,4%, a 21-no je lišeno slobode.

KRIVIČNA DJELA REGULISANA ZONDINOIM-om

U izvještajnom mjesecu evidentirano je 27 djela (deset više) regulisanih Zakonom o nabavljanju, držanju i nošenju oružja i municije Kantona Sarajevo za čije je izvršenje prijavljeno 30 lica.

KRIVIČNA DJELA POČINJENA OD STRANE MALOLJETNIH IZVRŠILACA

U periodu januar-juni 2019. godine, policijski službenici su nadležnom tužilaštvu podnijeli službeni izvještaj protiv 28 maloljetnih lica zbog postojanja osnova sumnje da su izvršili 28 krivičnih djela.

U odnosu na isti period 2018. godine, broj maloljetnih učinilaca krivičnih djela smanjen je za 24 (ili 46,1%), a broj krivičnih djela za koja su prijavljeni maloljetnici smanjen je za 27 (ili 49,1%).

Prijavljeni maloljetnici su u dobi do 16 godina – devet, od 16 do 18 godina – 19, a devet je povratnika.

Pregled broja maloljetnih izvršilaca krivičnih djela za period januar-juni 2019. godine, prema starosnoj strukturi

| Starosna dob maloljetnika | do 14 god. | od 14 do 16 god. | od 16 do 18 god. | ukupno |
|------------------------------------|------------|------------------|------------------|--------|
| Broj maloljetnih izvršilaca | 1 | 8 | 19 | 28 |

Pregled registrovanih krivičnih djela izvršenih od strane maloljetnih lica
u periodu januar-juni 2019/2018. godine

| Naziv krivičnog djela | januar-juni 2019. | januar-juni 2018. |
|---|-------------------|-------------------|
| Teška tjelesna povreda | 5 | 3 |
| Lahka tjelesna povreda | 4 | 6 |
| Ugrožavanje sigurnosti | 1 | 8 |
| Ugrožavanje sigurnosti u podstrekavanju | | 1 |
| Silovanje | | 1 |
| Spolni odnošaj s djetetom | 1 | |
| Posjedov. i omoguć. uživanja opoj. droga | | 3 |
| Krađa | 5 | 1 |
| Teška krađa | | 15 |
| Teška krađa-pokušaj | 1 | |
| Teška krađa na naroč. opasan ili naročito drzak način | 2 | 3 |
| Teška krađa na naroč. opasan ili naročito drzak način-pokušaj | | 1 |
| Razbojništvo | 3 | 5 |
| Utaja | 1 | 1 |
| Nedozvoljeno držanje oružja ili eksplozivnih materija | | 1 |
| Napad na službenu osobu u vršenju poslova sigurnosti | 1 | |
| Nasilničko ponašanje | 4 | 6 |
| ukupno | 28 | 55 |

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U periodu januar-juni 2019. godine na području Kantona Sarajevo registrovano je šest slučajeva aktiviranja minsko-eksplozivnih sredstava (dva ili 50% više u odnosu na isti period 2018. godine) usljed čega je nastupila materijalna šteta. Preduzimaju se aktivnosti na rasvjetljavanju ovih slučajeva i pronalaženju učinilaca.

U proteklih šest mjeseci 2019. godine registrovano je 19 anonimnih dojava o postavljenoj eksplozivnoj napravi (38 u uporednom periodu), a odnosile su se uglavnom na srednje i osnovne škole. Nakon KDZ pregleda utvrđeno je da su dojave bile lažne. Preduzimaju se aktivnosti na rasvjetljavanju ovih slučajeva i pronalaženju učinilaca.

POŽARI

U periodu januar –juni 2019. godine, na području Kantona Sarajevo registrovano je 112 požara (56 više) u kojima je jedno lice poginulo.

Prema statističkim pokazateljima, 47 požara je izazvano namjerno, 25 nehatom, 22 zbog tehničkih nedostataka, dok uzroci 18 požara spadaju u kategoriju ostalih.

Objekti registrovanih požara bili su:

- Saobraćajno sredstvo – 38 puta,
- Stambeni objekat – 30,
- Pomoćni objekat - devet,
- Poslovni prostor – sedam,
- Proizvodni objekat – tri,
- Magacin – jednom,
- Šuma – jednom,
- Ostali objekti – 23 puta.

Zbog izazivanja požara nadležnom tužilaštvu je podneseno 36 službenih izvještaja: 26 iz člana 323. KZ FBiH (izazivanje opće opasnosti) i 10 iz člana 301. KZ FBiH-a (paljevina).

SAMOUBISTVA

Tokom prvog polugodišta 2019. godine na području Kantona Sarajevo registrovano je 20 samoubistava (četiri više), koja su izvršena: skokom sa visine – sedam puta, upotrebom vatrenog oružja – šest puta, vješanjem – pet puta, utapanjem i upotrebom oštrog predmeta – po jedan put.

Prema spolu, izvršioци su 14 muškaraca i šest žena.

Muškarci su starosne dobi: preko 50 godina – devet lica, od 40 do 50 godina – tri lica, od 25 do 30 i od 30 do 40 godina – po jedno lice.

Žene su sljedeće starosne dobi: preko 50 godina – tri lica, od 40 do 50 godina – dva lica i od 18 do 24 godine – jedno lice.

OSTALE AKTIVNOSTI

Od strane Policijskih uprava fizičkim licima izdato je 440 odobrenja za nabavku vatrenog oružja i 507 oružnih listova.

Takođe, u sklopu aktivnosti na oduzimanju nelegalno posjedovanog oružja i drugih predmeta oduzeto je: 56 pištolja, 18 pušaka, 13 „noževa, mačeva, sablji i sl.“, 1.795 komada petardi, tri ručne bombe, 1.539 kom. municije različitog kalibra, itd.

JAVNI RED I MIR

U periodu januar - juni 2019. godine u oblasti protiv javnog reda i mira registrovano je 2.019 prekršaja (naloga – 1.648, zahtjeva za pokretanje prekršajnog postupka - 371), što u odnosu na isti period 2018. godine predstavlja povećanje za 197 ili 10,8%. Za izvršenje navedenih prekršaja prijavljena su 2.133 lica (169 ili 8,6% više).

Na prekršaje utvrđene Zakonom o prekršajima protiv javnog reda i mira odnosi se 1.712 prekršaja (ili 84,8%), a na prekršaje koji su utvrđeni Odlukom općinskih vijeća o javnom redu i miru 307 ili 15,2%.

Od ukupnog broja prijavljenih lica, 261 su lica koja su i ranije činila prekršaje (povratnici), a prema starosnoj strukturi učinilaca prekršaja, najbrojniji su u dobi preko 36 godina (1.351), između 26 i 35 godina (474), između 19 i 25 godina (301), do 18 godina je sedam lica.

Prilikom narušavanja javnog reda i mira nije bilo teže povrijeđenih lica (isto u 2018. godini), dok je sedam lica (četiri manje) lakše povrijeđeno.

Prilikom narušavanja javnog reda i mira u periodu januar-juni 2019. godine, nije bilo teže povrijeđenih lica (kao ni u istom periodu 2018. godine), dok su lakše povrijeđena 42 lica (10 ili 19,2% manje).

Pregled broja uručenih/podnesenih naloga i zahtjeva za pokretanje prekršajnog postupka za period januar-juni 2019. godine, po mjesecima

| januar-juni 2018. | prekršajni nalozi | zahtjevi za ppp | ukupno |
|-------------------|-------------------|-----------------|--------------|
| januar | 223 | 46 | 269 |
| februar | 230 | 68 | 298 |
| mart | 294 | 76 | 370 |
| april | 271 | 71 | 342 |
| maj | 301 | 58 | 359 |
| juni | 329 | 52 | 381 |
| ukupno | 1.648 | 371 | 2.019 |

Prema vrsti prekršaja, najbrojniji su sljedeći prekršaji: prosjačenje (920 ili 45,6% od ukupnog broja), zatim odbijanje naređenja i omalovažavanje policijskih službenika (163 ili 8,1%), naročito drsko ponašanje (157 ili 7,8%), tuče (146 ili 7,2%). Znatno manje prekršaja izvršeno je svađom, vikom i nepristojnim ponašanjem (56), paljenjem petardi (devet), uživanjem opojne droge na javnom mjestu (četiri), neovlaštenom upotrebom oružja (dva), dok je ostalih prekršaja bilo 255, a 307 prekršaja odnosi se na prekršaje koji su regulisani Odlukom općinskih vijeća.

U odnosu na isti period 2018. godine smanjen je broj prekršaja učinjenih tučom, naročito drskim ponašanjem, odbijanjem naređenja i omalovažavanjem policijskih službenika, uživanjem opojne droge na javnom mjestu i neovlaštenom upotrebom oružja, dok je broj svih ostalih prekršaja povećan.

Tabelarni pregled strukture prekršaja iz oblasti javnog reda i mira za period januar-juni 2019/2018.godina

| Vrsta prekršaja | Broj prekršaja | | uporedba + - % |
|--------------------------------------|----------------|--------------|-------------------|
| | 2019. godina | 2018. godina | |
| Tuče | 146 | 204 | -58 ili 28,4% |
| Naročito drsko ponašanje | 157 | 182 | -25 ili 13,7% |
| Odbijanje naređenja iomal. pol. sl. | 163 | 169 | -6 ili 3,5% |
| Svađa, vika, nepristojno ponašanje | 56 | 29 | +27 ili 93,1% |
| Uživanje opojne droge na j. mjestu | 4 | 15 | -11 ili 73,3% |
| Neovlaštena upotreba oružja | 2 | 3 | -1 ili 33,3% |
| Paljenje petardi | 9 | 8 | +1 ili 12,5% |
| Prosjačenje | 920 | 772 | +148 ili 19,2% |
| Ostali prekršaji iz Zakona o JRiM | 255 | 226 | +29 ili 12,8% |
| Prekršaji prema odluci općin. vijeća | 307 | 214 | +93 ili 43,4% |
| UKUPNO | 2.019 | 1.822 | +197 ili 10,8% |

Prema mjestu izvršenja, najveći broj prekršaja evidentiran je na ulici i na drugim otvorenim prostorima (1.848 ili 91,5%), a znatno manje u ugostiteljskim objektima (80 ili 4%), sportskim stadionima i dvoranama (sedam), školama i školskim dvorištima (tri), vozilima javnog saobraćaja i trgovinskim radnjama (po dva), a na ostalim mjestima 77 prekršaja.

Tabelarni pregled mjesta činenja prekršaja u periodu januar - juni 2019/2018. godina

| MJESTO IZVRŠENJA | januar-juni 2019. | januar-juni 2018. | + - % |
|---------------------------------|-------------------|-------------------|----------------|
| Ulice i drugi otvoreni prostori | 1.848 | 1.602 | +246 ili 15,3% |
| Ugostiteljski objekti | 80 | 79 | +1 ili 1,3% |
| Sportski stadioni i dvorane | 7 | 1 | +6 ili 600% |
| Vozila javnog saobraćaja | 2 | 4 | -2 ili 50% |
| Škole (školska dvorišta) | 3 | 19 | -16 ili 84,2% |
| Trgovinske i zanatske radnje | 2 | 21 | -19 ili 90,5% |
| Ostala mjesta | 77 | 96 | -19 ili 19,85 |
| UKUPNO | 2.019 | 1.822 | +197 ili 10,8% |

U poređenju sa istim periodom 2018. godine, povećan je broj prekršaja evidentiranih u ugostiteljskim objektima, na ulicama i drugim otvorenim prostorima, sportskim stadionima i dvoranama, a na ostalim mjestima taj broj je smanjen.

Na području Kantona Sarajevo u periodu januar-juni 2019. godine održan je 1.341 javni skup (64 ili 5% više u odnosu na januar-juni 2018. godine). Policijski službenici Uprave policije su proveli planske aktivnosti za održavanje javnih skupova, koji su protekli bezbjedno, a u 274 slučaja izvršeno je KDZ osiguranje.

SAOBRAĆAJ

U periodu januar- juni 2019. godine, u odnosu na isti period prošle godine, na području Kantona Sarajevo registrovano je smanjenje ukupnog broja saobraćajnih nezgoda, broja nezgoda sa materijalnom štetom, sa nastradalim licima i broja nastradalih lica. Registrovano je 4.256 saobraćajnih nezgoda (351 ili 7,6 % manje), od čega je 3.881 sa materijalnom štetom (321 ili 7,6 % manje) i 375 sa nastradalim licima (30 ili 7,4 % manje).

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
JANUAR –JUNI 2019./2018. GODINA

| | 2019. | 2018. | uporedba | |
|--|--------------|-------|----------|----------|
| | | | +,- | % |
| UKUPAN BROJ SAOBRAĆAJNIH NEZGODA | 4.256 | 4.607 | - 351 | - 7,6 % |
| SAOBRAĆAJNE NEZGODE SA NASTRADALIM LICIMA | 375 | 405 | - 30 | - 7,4 % |
| SAOBRAĆAJNE NEZGODE SA MATERIJALNOM ŠTETOM | 3.881 | 4.202 | - 321 | -7,6 % |
| POGINULO LICA | 6 | 11 | - 5 | - 45,4 % |
| - vozači | 3 | 3 | Isto | ----- |
| - putnici | 0 | 3 | - 3 | ----- |
| - pješaci | 3 | 5 | - 2 | - 40 % |
| POVRIJEĐENO LICA | 473 | 512 | - 39 | - 7,6 % |
| - vozači | 255 | 251 | + 4 | + 1,6 % |
| - putnici | 117 | 161 | - 44 | - 27,3 % |
| - pješaci | 101 | 100 | + 1 | + 1 % |

U naselju su registrovane 3.844 saobraćajne nezgode (četiri sa poginulim, 327 sa povrijeđenim licima i 3.513 sa materijalnom štetom), van naselja 412 nezgoda (dvije sa poginulim, 42 sa povrijeđenim licima i 368 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICE NA PODRUČJU KANTONA SARAJEVO
JANUAR – JUNI 2019./2018. GODINA

| SAOBRAĆAJNE NEZGODE | SA NASTRADALIM LICIMA | | | SA MATERIJALNOM ŠTETOM | UKUPNO | POSLJEDICE | | |
|---------------------|-----------------------|------------------------|------------|------------------------|--------------|---------------------|-----------------------------|------------------------------|
| | sa poginulim licima | sa povrijeđenim licima | | | | broj poginulih lica | broj teže povrijeđenih lica | broj lakše povrijeđenih lica |
| | | teže | lakše | | | | | |
| u naselju | 4 | 68 | 259 | 3.513 | 3.844 | 4 | 69 | 355 |
| van naselja | 2 | 4 | 38 | 368 | 412 | 2 | 4 | 45 |
| UKUPNO | 6 | 72 | 297 | 3.881 | 4.256 | 6 | 73 | 400 |

Prema kategoriji puta, saobraćajne nezgode registrovane su:

- na ulicama u naselju –2.660 nezgoda (tri lica poginula, 281 lice povrijeđeno),
- na magistralnim putevima – 558 (jedno lice poginulo, 101 povrijeđeno),
- na regionalnim putevima – 285 (22 lica povrijeđena),
- na lokalnim putevima – 241 (dva lica poginula, 22 povrijeđena),
- na putevima koji se ubrajaju u kategoriju ostalih – 512 (47 lica povrijeđeno).

Prema karakteristikama puta, saobraćajne nezgode registrovane su:

- na raskrscima u naselju – 687 (jedno lice poginulo, 103 lica povrijeđena),
- na raskrscima van naselja -171 (14 lica povrijeđeno),
- na pješačkim prelazima – 48 (12 lica povrijeđeno),
- na mostu – 10 (bez nstradalih lica),
- u tunelu – jedna saobraćajna nezgoda (jedno lice povrijeđeno),
- na prelazu preko željezničke pruge - jedna saobraćajna nezgoda (bez nastradalih lica),
- na putevima koji se ubrajaju u karakteristike ostalih – 3.338 (pet lica poginulo, 343 lica povrijeđena).

POSLEDICE SAOBRAĆAJNIH NEZGODA

U toku perioda januar –juni 2019. godine, u saobraćajnim nezgodama na području Kantona Sarajevo nastradalo je ukupno 479 lica (44 ili 8,4 % manje).

TABELARNI PREGLED NASTRADALIH LICA (poginula, teško i lakše povrijeđena)
U SAOBRAĆAJNIM NEZGODAMA
JANUAR-JUNI 2019/2018. GODINA

| učesnici u saobraćaju | 2019. GODINA | 2018. GODINA | uporedba | |
|-----------------------|--------------|--------------|----------|----------|
| | | | +/- | % |
| vozači | 258 | 254 | + 4 | + 1,6 % |
| putnici | 117 | 164 | - 47 | - 28,6 % |
| pješaci | 104 | 105 | - 1 | -0,9 % |
| UKUPNO | 479 | 523 | - 44 | - 8,4 % |

Šest lica je poginulo, (pet ili 45,4 % manje), dok su 473 lica povrijeđena (39 ili 7,6 % manje), od čega 73 teže (pet manje) i 400 lakše (34 manje).

TABELARNI PREGLED NASTRADALIH LICA U SAOBRAĆAJNIM NEZGODAMA PO KATEGORIJI UČESNIKA
JANUAR – JUNI 2019/2018.GODINA

| PERIOD | 2019. GODINA | | | 2018. GODINA | | | UPOREDBA 2019/18. GOD. | | |
|----------------|--------------|-------------------|-------------------|--------------|-------------------|-------------------|---------------------------|-------------------|-------------------|
| | poginulo | teško povrijeđeno | lakše povrijeđeno | poginulo | teško povrijeđeno | lakše povrijeđeno | poginulo | teško povrijeđeno | lakše povrijeđeno |
| VOZAČI | 3 | 28 | 227 | 3 | 24 | 227 | <i>isto</i> | + 4 | <i>isto</i> |
| PUTNICI | 0 | 6 | 111 | 3 | 19 | 142 | - 3 | - 13 | - 31 |
| PJEŠACI | 3 | 39 | 62 | 5 | 35 | 65 | - 2 | + 4 | - 3 |
| UKUPNO | 6 | 73 | 400 | 11 | 78 | 434 | - 5 | - 5 | - 34 |

STEPEN POVREDA UČESNIKA U SAOBRAĆAJNIM NEZGODAMA

- Vozači :
Tri vozača su poginula, 255 vozača povrijeđeno (28 teže i 227 lakše)
- Putnici:
117 putnika povrijeđeno (šest teže i 111 lakše)
- Pješaci:
Tri pješaka su poginula, 101 pješak povrijeđen (39 teže i 62 lakše)

Starosna struktura nastradalih lica u saobraćajnim nezgodama je slijedeća:

- do 14 godina – 25 lica,
- od 15 do 17 godina – sedam,
- od 18 do 20 godina – 20 lica,
- od 21 do 24 godina – 61,
- od 25 do 30 godina - 67,
- od 31 do 40 godina – 104,
- od 41 do 50 godina – 72,
- od 51 do 65 godina – 63 lica, itd.

Starosna struktura nastradalih vozača u saobraćajnim nezgodama je slijedeća:

- od 18 do 23 godine – 41 lice,
- od 23 do 30 godina – 52,
- od 30 do 40 godina – 76,
- od 40 do 50 godina – 41,
- od 50 do 60 godina – 30 lica, itd.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih – 3.464 (pet lica poginulo, 315 lica povrijeđeno),
- neprilagođena brzina – 729 (jedno lice poginulo, 141 lice povrijeđeno),
- uticaj alkohola – 48 (13 lica povrijeđeno),
- klizav put – 14 (tri lica povrijeđena),
- nedostatak saobraćajne signalizacije – jedna nezgoda (jedno lice povrijeđeno).

AKTIVNOSTI SLUŽBENIKA POLICIJE IZ OBLASTI SIGURNOSTI SAOBRAĆAJA

U sklopu redovnih aktivnosti, službenici policije su kontrolisali ukupno 107.199 vozila 10.024 ili 8,5 % manje).

Zbog kršenja propisa iz oblasti sigurnosti saobraćaja uručeno je 104.157 prekršajnih naloga vozačima (14.014 ili 15,5 % više), podnesen 421 zahtjev za pokretanje prekršajnog postupka (253 ili 150,6 % više) i registrovano 39 krivičnih djela zbog ugrožavanja sigurnosti javnog prometa (19 ili 32,7 % manje).

Zbog tehničke neispravnosti, iz saobraćaja je isključeno 250 vozila (29 ili 13,1 % više), 1.396 vozača je zatečeno da upravljaju vozilom pod dejstvom alkohola (211 ili 17,8 % više), 1.551 bez korištenja sigurnosnog pojasa (482 ili 23,7 % manje), 817 bez položenog vozačkog ispita (241 ili 41,8 % više), 302 pod izrečenom zaštitnom mjerom (23 ili 7,1 % manje), 1.810 vozača je zatečeno da koristi mobilni telefon tokom vožnje (994 ili 35,4 % manje), a 3.362 vozila su otkrivena da učestvuju u saobraćaju bez važeće registracije (2.245 ili 201 % više).

MIRUJUĆI SAOBRAĆAJ I KONTROLA PJEŠAKA

Tokom prvog polugodišta 2019. godine, pripadnici Uprave policije su uručili 40.403 prekršajna naloga vozačima koji nisu poštivali saobraćajne propise prilikom parkiranja (404 više u odnosu na isti period prošle godine), upozorili 1.733 vozača (1.132 manje), a specijalnim vozilom „pauk“ su premjestili 917 vozila (909 manje).

Takođe, pješacima koji su kršili saobraćajne propise uručena su 1.363 prekršajna naloga (167 više), a upozoreno je 279 pješaka (199 manje).

ZAKONITOST U RADU

U periodu januar- juni 2019. godine registrovano je osam napada (sedam manje) na policijske službenike MUP-a Kantona Sarajevo, među kojima je sedam pojedinačnih i jedan grupni napad. Napadi su izvršeni od strane devet lica, među kojima su dva maloljetnika. Tom prilikom je jedan policijski službenik ranjen, dok je pet policijskih službenika lakše povrijeđeno.

Policijski službenici Uprave policije su tokom izvještajnog perioda u 21-nom slučaju (tri više) opravdano upotrijebili silu : fizičku snagu i sredstva za vezivanje – 20 puta i vatreno oružje – jednom.

Tokom perioda januar-juni 2019. godine, razmatrano je 156 predstavki na rad policijskih službenika. Nakon razmatranih predstavki Odbor za žalbe građana Skupštine Kantona Sarajevo donio je zaključak da se za 47 predstavki (dvije manje) provede unutrašnja istraga. Za 56 predstavki je odlučeno da se izvrše provjere i prikupi dokumentacija, za 31 da je neosnovana, za četiri da je Odbor nenadležan, za tri da se prosljede nadležnoj policijskoj upravi, za dvije da se upute na sudsko odlučivanje, za dvije da se pripoje spisu, za dvije da se poslijede Sektoru kriminalističke policije, dok je za dvije žalbe odlučeno da se spoje u jednu predstavku s obzirom da se radi o istom policijskom službeniku. U jednom slučaju predstavka je spojena u istragu, u jednom slučaju proslijeđena disciplinskoj komisiji na razmatranje, u jednom slučaju spis je odložen, u jednom zastario, u jednom slučaju službena zabilješka je proslijeđena nadležnoj organizacionoj jedinici s preporukom da se izvrši inspeksijski nadzor a potom obavijesti Odbor za žalbe javnosti, u jednom slučaju odgovor je poslan komisiji za sigurnost, dok je u jednom slučaju predmet odložen u a/a.

Od ukupno 156 razmatranih predstavki, 127 je podneseno od strane građana, a 29 predstavki predstavljaju saznanja iz službe.

Okončane su 64 unutrašnje istrage među kojima su 24 neosnovane, 17 je bilo bez dovoljno dokaza, u 15 slučajeva istrage su osnovane, u tri slučaja istrage su upućene na dopuna, u dva slučaja istraga je obustavljena, u dva slučaja okončana ocjenom oslobađajuća, dok je u jednom slučaju stranka odustala od žalbe.

RAD POLICIJE U ZAJEDNICI

U okviru Rada policije u zajednici u prvom polugodištu 2019. godine obavljane su brojne aktivnosti s ciljem što efikasnije povezanosti i partnerstva policije i lokalne zajednice. S tim u vezi, održavani su redovni sastanci i kontakti sa nadležnim strukturama, kao i sa policijskim službenicima zaduženim za ovu oblast. Sagledavano je stanje u oblasti rada policije u zajednici u funkciji redovnog policijskog rada, ostvarivan neposredan uvid u stanje i rezultate, te sagledavane mogućnosti i pravci daljeg rada i što kvalitetnijeg obavljanja poslova i zadataka policije u ovom domenu rada.

Cilj partnerstva policijskih službenika jeste održanje stanja mira, sigurnog okruženja i prosperiteta za sve članove zajednice, gdje se može reći da rad policije u zajednici konkretno predstavlja proaktivni rad policije u zajednici, otvorenu komunikaciju sa građanima, preduzećima, školama, mjesnim zajednicama i drugim institucijama a sve s ciljem kako bi se dugoročno povećala sigurnost svih građana Kantona Sarajevo.

S tim u vezi preduzimane su, između ostalog, slijedeće aktivnosti:

- Prisustvovanje edukativnoj radionici na temu: "Prevenција iskorištavanja i zlostavljanja djece u digitalnom okruženju" u organizaciji Visokog sudskog i tužilačkog vijeća Bosne i Hercegovine, a u okviru "Projekta jačanja tužilačkih kapaciteta u sistemu krivičnog pravosuđa u BiH" uz podršku Vlade Švicarske;
- Prisustvovanje radionici „Dijalog za budućnost“, koju je organizovalo općinsko vijeće Novog Grada;
- Prisustvovanje radionici na temu „Prva dijaloška platforma“, koju je organizovala nevladina organizacija CPCD;
- Učestvovanje u realizaciji „6. Kids kindurijade“, koja je u Domu mladih održana u organizaciji „Media tyme“ doo;

- Učešće u edukativnoj radionici na temu "Prevenција maloljetničkog prijestupništva i kultura ponašanja u saobraćaju i na javnom mjestu", za učenike JU „Srednja mašinska-tehnička“ škola;
- Učešće u edukativnim radionicama na temu „Prevenција zloupotrebe narkotičkih sredstava“, za učenike srednjih škola na području Kantona Sarajevo;
- Učešće u manifestaciji „Vrijedimo li šta“ sa temom „Iskustva žena zaposlenih u sigurnosnim agencijama u BiH“;
- Prisustvovanje edukacijama na temu „Lopov uvijek bude otkriven“, u sklopu "Projekta jačanja tužilačkih kapaciteta u sistemu krivičnog pravosuđa u BiH";
- Nastavljeno je učešće u realizaciji kampanje „Uklanjanje grafita“ u organizaciji ICITAP-a, ambasade SAD-a i Gradske uprave Grada Sarajeva;
- Održane su edukativne radionice na temu "Prevenција maloljetničkog prijestupništva i kultura ponašanja na javnom mjestu" zatim "Šta je hladno i vatreno oružje sa sankcijama u slučaju zloupotrebe", "Nužna odbrana i krajnja nužda i prekoračenje nužne odbrane i krajnje nužde" i "Zloupotreba opojnih droga sa klasifikacijom" u prostorijama Srednje medicinske škole - Jezero, kojima je prisustvovalo 429 učenika.
- Vršeni su obilasci obdaništa na području Kantona Sarajevo u sklopu projekta "Sigurnost djece u saobraćaju" te organizovane posjete djece policijskim stanicama gdje su prezentovana sredstva i oprema koju policijski službenici koriste svakodnevno u svom radu, nakon čega su djeca upoznata sa saobraćajnim propisima za njihov uzrast.
- Aktivno se radilo na sprečavanju prosjačenja, skitnje, kao i propuštenog staranja za maloljetne osobe.
- Organizovan je pojačan obilazak parking prostora i mjesta na kojima se evidentira veći broj krivičnih djela, kao i narušavanje javnog reda i mira u većem obimu.
- Intenzivirano je rasvjetljavanje lažnih dojava o postavljanju bombi u srednjim školama, a ujedno se radilo na edukaciji učenika i nastavnog osoblja, odnosno povećanju svijesti o štetnosti i protivpravnosti ove vrste devijantnog ponašanja.
- Uprava policije MUP-a Kantona Sarajevo je u saradnji sa „AT Store“ provela kampanju pod nazivom „Neko te voli“, sa ciljem smanjenja broja učesnika koji koriste mobilne telefone prilikom kretanja u saobraćaju.
- Pojačan je obilazak mjesta na kojima dolazi do veće transakcije novca – banaka i trgovačkih centara, a ujedno se radilo na prikupljanju bezbjednosno interesentnih saznanja po pitanju krivičnih djela razbojništva, teških krađa motornih vozila, provalnih krađa u stanove, poslovne objekte, kao i razvijanju saradnje sa građanima i jačanju povjerenja građana u rad policije.
- U sklopu aktivnosti „Akcija bezbjednosti na putevima“ ispred BBI Centra je pod pokroviteljstvom Svjetske automobilske federacije održan „Proletni auto Show“, na kojem je učešće uzela i Uprava policije prezentacijom rada i opreme Jedinice za saobraćaj i Rada policije u zjednici.
- Jedinicu za saobraćaj su posjetila djeca predškolskog uzrasta i osoblje vrtića „Višnjik“, kojima je tom prilikom prezentirana oprema ove Jedinice i održano stručno predavanje na temu „Sigurnost djece u saobraćaju“.
- U saradnji sa „Media Time“ doo, na lokaciji parking prostora Olimpijske dvorane Zetra, u okviru „8 – Sarajevo Beer Festivala“, organizovali trodnevnu realizaciju projekta „Ako si pio ne vozi“, na kojoj je prisustvovalo između 5000 i 6000 posjetilaca. Prilikom realizacije projekta korištena su materijalno-tehnička sredstva Jedinice za saobraćaj,
- Održane edukativne radionice na temu „Djeca u saobraćaju“,
- Učestvovanje u realizaciji međunarodnog turnira u fudbalu pod nazivom „U- 17“ i sloganom „Igraj fudbal živi život“, koji je održan u sklopu manifestacije „Novogradski dani“, itd.

EDUKACIJA U UPRAVI POLICIJE

U skladu sa Planom i programom stručnog osposobljavanja policijskih službenika Uprave policije u periodu januar- juni 2019. godine, razne vidove interne i eksterene edukacije pohađalo je ukupno 2.397 policijskih službenika.

Internu edukaciju pohađalo je 1.827 policijskih službenika i to:

- "permanentnu obuku" - 502 policijskih službenika,
- "naprednu obuku" –129 policijska službenika
- "program obuke preciznog gađanja" - 1.196

Eksternu edukaciju kroz razne vidove specijalističke obuke pohađalo je ukupno 570 policijskih službenika.

Teme obuka, seminara, radionica, okruglih stolova, između ostalog bile su:

- „Saradnja tužilaštva i policijskih tijela u okviru uspostavljenih operativnih foruma“.
- „Izazovi vezani za povratak stranih terorističkih boraca“.
- „Vođenje istraga u slučajevima terorizma“.
- „Jačanje borbe protiv pranja novca“.
- „Pokazne vježbe istraživanja lica mjesta i prikupljanje tragova u sklopu projekta „Jačanje tužilačkih kapaciteta u sistemu pravosuđa“.
- Upravljanje medijima u operacijama potpore miru“.
- „Napredne vještine intervjuisanja“.
- „Trening o slobodi vjere ili uvjerenja za općinske vlasti, vjerske zajednice, civilno društvo i medijske stručnjake“.
- Razmjena iskustava žena zaposlenih u odbrambenim i sigurnosno-policijskim sastavima u BiH”.
- „Unapređenje slobode vjere i uvjerenja“
- „Korupcija u javnim nabavkama“
- „Kibernetiča sigurnost 2019“
- „Seksualno iskorištavanje i zlostavljanje djece u digitalnom okruženju“.
- „Savjetovanje kao podrška porodici u riziku“, u sklopu aktivnosti Tima za implementaciju Akcionog plana za prevenciju maloljetničkog prijestupništva i rad sa maloljetnicima u sukobu sa zakonom"
- "Sprečavanje pranja novca i finansiranje terorističkih aktivnosti s ciljem izrade zakonskih odredbi kojom se utvrđuje rad finansijskog i nefinansijskog sektora u BiH u skladu sa Zakonom o sprječavanju pranja novca i finansiranju terorističkih aktivnosti, pružanje praktičnog znanja izvještajnom i nadzornom sektoru"
- "Stručno usavršavanje svih drugih subjekata koji u provođenju Zakona o zaštiti i postupanju sa djecom i maloljetnicima u krivičnom postupku FBiH, rade na poslovima prijestupništva mladih i krivičnopravne zaštite djece"
- "Gender i sigurnost"
- "Kompjuterski kriminal i kriminal uz upotrebu kompjuterskih tehnologija"
- "Planiranje i upravljanje integritetom (percepcija korupcije)",
- "Program socijalizacije s pravom",
- "Organizovani kriminal",
- "Podrška borbi protiv pranja novac", itd.

Sarajevo, 16.07.2019. godine

Odjeljenje za odnose s javnošću